



# **TEKS UCAPAN**

## **MAJLIS PERASMIAN PENYAMPAIAN DIVIDEN RANCANGAN TANAM BARU BERKELOMPOK (RTBB), DIVIDEN TANAM SEMULA KOMERSIAL (TSK) DAN ZAKAT ANAK SYARIKAT RISDA**

OLEH  
YAB TIMBALAN PERDANA MENTERI

DEWAN KONVENSYEN SULTAN AHMAD SHAH, PEKAN  
13 SEPTEMBER 2008

## **SALUTATION**

1. Y.BERUSAHA Pengerusi Majlis
2. Y.A.B. DATO SERI ADNAN YAAKUB  
MENTERI BESAR PAHANG
3. Y.B. TAN SRI MOHAMMAD TAIB  
MENTERI KEMAJUAN LUAR BANDAR DAN WILAYAH
4. Y.BHG. TAN SRI RAHIM TAMBY CHIK  
Pengerusi RISDA
5. Y.BHG. DATO' MOHAMMAD IZAT HASAN  
KETUA PENGARAH RISDA
6. DIF-DIF KEHORMAT, DATO'-DATO', TUAN-TUAN DAN  
PUAN-PUAN YANG DIHORMATI SEKALIAN.

TUAN-TUAN DAN PUAN-PUAN SEKALIAN

ASSALAMUALAIKUM WRT

1. ALHAMDULILLAH, SETINGGI-TINGGI KESYUKURAN DIPANJATKAN KE HADRAT ILAHI KERANA DENGAN LIMPAH DAN KURNIANYA, DAPAT KITA BERKUMPUL DI DEWAN KONVENSYEN SULTAN AHMAD SHAH INI UNTUK MELANGSUNGKAN MAJLIS PENYAMPAIAN DIVIDEN RANCANGAN TANAM BARU BERKELOMPOK (RTBB), DIVIDEN TANAM SEMULA KOMERSIAL (TSK) DAN ZAKAT ANAK SYARIKAT RISDA.

2. SAYA MENGAMBIL KESEMPATAN INI MENGUCAPKAN RIBUAN TERIMA KASIH KEPADA RISDA KERANA SUDI MENJEMPUT SAYA UNTUK MEMBERI UCAPAN DAN SETERUSNYA MERASMIKAN MAJLIS PADA HARI INI.
  
3. SAYA JUGA MENGAMBIL KESEMPATAN INI UNTUK MENGUCAPKAN TERIMA KASIH KEPADA YAB. DATO SERI ADNAN YAAKOB MENTERI BESAR PAHANG; YB. TAN SRI MOHAMMAD TAIB, MENTERI KEMAJUAN LUAR BANDAR DAN WILAYAH DAN Y.BHG. TAN SRI RAHIM TAMBY CHIK, PENGERUSI RISDA KERANA SUDI HADIR SAMA DALAM MAJLIS YANG AMAT BERMAKNA INI.

TUAN-TUAN DAN PUAN-PUAN SEKALIAN

### **RANCANGAN TANAM BARU BERKELOMPOK (RTBB)**

4. KONSEP RANCANGAN TANAM BARU BERKELOMPOK (RTBB) YANG DILAKSANAKAN OLEH RISDA INI ADALAH SATU KONSEP YANG BAIK KERANA IA TELAH DAPAT MEMBANTU GOLONGAN PEKEBUN KECIL YANG TELAH MEMPUNYAI TANAH MEMILIKI SAHAM MELALUI HAK TANAM BARU (TB) DALAM LADANG RTBB. DENGAN CARA INI, MEREKA AKAN MEMPEROLEH PENDAPATAN TAMBAHAN MELALUI DIVIDEN HASIL KEUNTUNGAN SAHAM DALAM AKTIVITI PERLADANGAN.

5. LADANG RTBB TELAH MULA MENDAPAT KEUNTUNGAN MULAI TAHUN 1982. SETAKAT 30 JUN 2008 DIVIDEN YANG TELAH DIBAYAR KEPADA PESERTA HASIL KEUNTUNGAN LADANG RTBB ADALAH SEBANYAK RM 192 JUTA.
  
6. ALHAMDULLILAH, PADA HARI INI TUAN-TUAN DAN PUAN-PUAN AKAN MENERIMA DIVIDEN DARIPADA KEUNTUNGAN LADANG RTBB. SAYA BERHARAP DIVIDEN INI DAPAT DIGUNAKAN DENGAN SEBAIK-BAIKNYA KHUSUSNYA UNTUK MENYARA HIDUP SEHARIAN DAN SEKIRANYA ADA LEBIHAN ELOK KITA TANAMKAN SEMANGAT MENABUNG.

TUAN-TUAN DAN PUAN-PUAN SEKALIAN

**KENAIKAN KOS PEMBANGUNAN TANAM SEMULA**

7. KENAIKAN HARGA PETROLEUM BARU-BARU INI TELAH MENYEBABKAN KENAIKAN HARGA BARANGAN DAN PERKHIDMATAN. INI TELAH MENYEBABKAN KOS PENGELUARAN DALAM PELBAGAI SEKTOR MENINGKAT TERMASUK SEKTOR PERTANIAN.
  
8. PENINGKATAN KOS PEMBANGUNAN KEBUN TURUT DIALAMI OLEH SEKTOR PEKEBUN KECIL YANG TERLIBAT DENGAN AKTIVITI PENANAMAN SEMULA.

KOS PEMBANGUNAN YANG TERLIBAT TERMASUK KOS PENYEDIAAN KEBUN, KOS BENIH DAN BAJA SERTA KOS PENYELENGGARAAN. PENINGKATAN YANG PALING KETARA MELIBAT PENINGKATAN KOS BAJA IAITU 52% BAGI GETAH DAN 102% BAGI SAWIT.

9. BAGI MERINGANKAN BEBAN KOS PENANAMAN SEMULA GETAH OLEH PEKEBUN KECIL KHUSUSNYA MEREKA YANG MEMILIKI TANAH 2.5 HEKTAR DAN MENGUSAHAKAN SENDIRI, SAYA DIFAHAMKAN RISDA SEDANG MENIMBANG BEBERAPA LANGKAH TERMASUK SUBSIDI KOS BENIH DAN MEMBIAYAI KOS



PRASARANA BAGI KEBUN BERKELOMPOK SEBANYAK RM2,000 SEHEKTAR.

SAYA BERHARAP LANGKAH INI DAPAT MEMBANTU PEKEBUN KECIL SERBA SEDIKIT MENGATASI MASALAH KENAIKAN KOS PEMBANGUNAN TANAM SEMULA GETAH. DALAM MASA YANG SAMA SAYA MINTA PEKEBUN KECIL YANG MENANAM SEMULA JUGA MENGGUNAKAN HASIL PENDAPATAN DARI JUALAN KAYU GETAH UNTUK MENAMPUNG KOS TANAM SEMULA INI.

TUAN-TUAN DAN PUAN-PUAN SEKALIAN

**BANTUAN BENCANA ALAM**

10. KERAJAAN AMAT PRIHATIN ATAS MANGSA BENCANA ALAM DAN SATU LAGI USAHA YANG SEDANG DILAKSANAKAN OLEH KERAJAAN MELALUI RISDA ADALAH BANTUAN BENCANA ALAM. BANTUAN INI DIWUJUDKAN BAGI MEMBANTU PEKEBUN KECIL YANG MENGALAMI KEROSAKAN KEBUN AKIBAT BENCANA ALAM SEPERTI:-

- i. BANJIR
- ii. KEBAKARAN
- iii. ANGIN RIBUT
- iv. SERANGAN GAJAH
- v. WABAK PENYAKIT
- vi. KEMARAU LUAR BIASA

11. NILAI KEROSAKAN YANG DIALAMI OLEH PEKEBUN KECIL AKIBAT BENCANA ALAM AMATLAH BESAR. CONTOH PADA 2006, NILAI KEROSAKAN YANG DIALAMI OLEH PEKEBUN KECIL BERJUMLAH RM4.7 JUTA MANAKALA PADA 2007, NILAI KEROSAKAN MENINGKAT KEPADA RM 13 JUTA.

12. BAGI KEBUN-KEBUN YANG MASIH DALAM BANTUAN TANAM SEMULA, PEKEBUN KECIL AKAN DIBANTU MENGGUNAKAN PERUNTUKAN RANCANGAN PEMULIHAN KEBUN (RPK). NILAI BANTUAN BERGANTUNG KEPADA PERBELANJAAN YANG DIPERLUKAN UNTUK BAIK PULIH KEBUN.
  
13. BAGI KEBUN-KEBUN YANG TELAH HABIS BANTUAN TANAM SEMULA, SAYA DIFAHAMKAN RISDA SEDANG MENGAJI KEMUNGKINAN WANG SES DIGUNAKAN UNTUK MEMBAIKPULIH KEBUN PEKEBUN YANG TERLIBAT.

TUAN-TUAN DAN PUAN-PUAN SEKALIAN

**PRODUKTIVITI KEBUN**

14. KAWASAN TANAH YANG SESUAI UNTUK DIBANGUNKAN BAGI BIDANG PERTANIAN MULAI TERHAD. KONSEP RTBB YANG DILAKSANAKAN DALAM TAHUN-TAHUN 70AN MUNGKIN TIDAK PRAKTIKAL LAGI. BEGITU JUGA DENGAN PEKEBUN KECIL YANG MEMPUNYAI KELUASAN KEBUN YANG TERHAD IAITU PURATA 2.2 HEKTAR SEORANG.

15. OLEH YANG DEMIKIAN, SATU TINDAKAN PRO AKTIF PERLU DIAMBIL OLEH SEMUA PIHAK BAGI MEMASTIKAN PRODUKTIVITI KEBUN SEDIA ADA DAPAT DITINGKATKAN WALAUPUN MEMPUNYAI KELUASAN TANAH YANG TERHAD SEPERTI MANA PETANI DI NEGARA JEPUN DAN KOREA. PERKARA INI SEBENARNYA BOLEH DIBUAT. DALAM PENGELUARAN GETAH CONTOHNYA, WALAUPUN KELUASAN TANAMAN GETAH TELAH MENURUN DARI 1.28 JUTA HEKTAR KE 1.03 HEKTAR ANTARA TAHUN 1998 HINGGA 2007, NAMUN PENGELUARAN TEALH MENINGKAT DARI

0.68 JUTA MT DALAN TAHUN 1998 KE 1.13 JUTA MT  
DALAM TAHUN 2008.

16. PADA KETIKA INI PEKEBUN KECIL GETAH TELAH BERUPAYA MENGELUARKAN HASIL SEBANYAK 1,400 KG/HEKTAR/THN BERBANDING 1,100 KG/HEKTAR/THN DALAM TAHUN 1998. SAYA YAKIN PRODUKTIVITI INI BOLEH DITINGKATKAN LAGI KERANA POTENSI KLON GETAH YANG SEDIA ADA MAMPU MENGHASILKAN 2,000 KG/HEKTAR/TAHUN.

- 17. UNTUK MENINGKTKAKAN PRODUKTIVITI INI PEKEBUN KECIL PERLU MENGAMBIL TINDAKAN SEPERTI:**
- i. MEMPASTIKAN BILANGAN POKOK DITOREH SEKURANG-KURANGNYA 500 POKOK SEHEKTAR;
  - ii. MENINGKATKAN BILANGAN HARI MENOREH DARI PURATA 11 HARI KEPADA 15 HARI SEBULAN MELALUI ALAT KALIS HUJAN;
  - iii. MENGAMALKAN TEKNOLOGI RANSANGAN;
  - iv. MEMPASTIKAN POKOK DIBERI BAJA YANG BETUL DAN SECUKUPNYA; DAN
  - v. MELAKSANAKAN AMALAN PERTANIAN YANG BAIK (GOOD AGRICULTURAL PRACTICES).



TUAN-TUAN DAN PUAN-PUAN SEKALIAN

**USAHAWAN PEKEBUN KECIL GENERASI MUDA**

18. PURATA UMUR PEKEBUN KECIL KINI ADALAH 56 TAHUN, DI MANA KEMAMPUAN UNTUK MENGUSAHA KEBUN SENDIRI ADALAH TERHAD. BAGI MENGATASI MASALAH INI, RISDA TELAH MENGAMBIL LANGKAH UNTUK MELAKSANAKAN PEMBANGUNAN KEBUN SECARA BERKUMPUL SEPERTI TANAM SEMULA BERKELOMPOK (TSB) DAN TANAM SEMULA KOMERSIAL (TSK).

19. DI DALAM KERJA PEMBANGUNAN SECARA BERKELOMPOK, SUDAH TENTUNYA IANYA MEMERLUKAN TENAGA KERJA YANG RAMAI. SAYA MENYERU KEPADA GENERASI MUDA TEMPATAN UNTUK MEREBut PELUANG INI.
  
20. SEKIRANYA TUAN-TUAN DAN PUAN-PUAN MEMERLUKAN KEMAHIRAN, RISDA ADA MENYEDIAKAN KURSUS-KURSUS DI INSTITUT KEMAHIRAN PEKEBUN KECIL (IKPK) YANG ADA DI KG. AWAH PAHANG, BKT. SIREH KELANTAN DAN PADANG RENGAS, PERAK.

20. SETELAH MEMPEROLEHI PENGETAHUAN DAN KEMAHIRAN YANG MENCUKUPI, SAYA MENGESA GENERASI MUDA MENJADI USAHAWAN DALAM KERJA-KERJA PEMBAGUNAN DAN PENGELUARAN HASIL DI TSB-TSB DAN TSK-TSK.
  
21. DENGAN KATA-KATA ITU, SAYA DENGAN LAFAZ BISMILLAHIRAHMANNIRAHIM MERASMIKAN MAJLIS PENYAMPAIAN DIVIDEN RTBB PERINGKAT NEGERI PAHANG DARUL MAKMUR, DIVIDEN TSK DAN ZAKAT ANAK SYARIKAT RISDA.

SEKIAN, WABILLAHITAUFIKWASALAMUALAIKUM .

